

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-5900-6/21

Datum: 20.10.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka b) i stav (2) tačka d), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-3591 od 18.06.2021. godine, u postupku javne nabavke policijskih palica, pantljika, baterijskih lampi, pištaljki i čunjeva, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
o poništenju postupka javne nabavke LOT 2

I

Poništava se postupak javne nabavke policijskih palica, pantljika, baterijskih lampi, pištaljki i čunjeva za potrebe Uprave policije Ministarstva unutrašnjih poslova Kantona Sarajevo, i to:

- LOT 2 - pantljike.

II

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu odluke broj: 02-11-4-5900/21 od 23.08.2021. godine i Obavještenja o nabavci broj: 16475-1-1-55-3-85/21 od 26.08.2021. godine, proveden je otvoreni postupak javne nabavke policijskih palica, pantljika, baterijskih lampi, pištaljki i čunjeva za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-5900/21 od 20.09.2021. godine, za aktivno učešće u postupku za LOT 2 dostavljena je ponuda ponuđača Danial's d.o.o. Tešanj.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-5900-5/21 od 19.10.2021. godine, kojim je utvrdila slijedeće:

- da za LOT 2 - pantljike je pristigla jedna ponuda ponuđača Danial's d.o.o. Tešanj. Da pristigla ponuda ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije.

Naime, tačkom 13.3. traženo je dostavljanje uzoraka za artikle koji su predmet nabavke. „Komisija za javnu nabavku ugovornog organa će na osnovu dostavljenih uzoraka provjeriti da li odgovaraju minimalnom opisu iz obrasca za cijenu ponude i to na način da li opis dostavljenih uzoraka odgovara opisu predmeta nabavke koji je zahtjevan i naveden u obrascu za cijenu ponude (Aneks III) i prostim poređenjem izvršiti ocjenu svih parametara u smislu da li uzorci odgovaraju karakteristikama-opisu zahtjevane stavke.“

Komisija je izvršila pregled dostavljenog uzorka za Lot 2 – pantljike. U tehničkoj specifikaciji za Lot 2 – pantljike date u Obrascu za cijenu ponude za Lot 2 između ostalog stoji da pantljike trebaju imati: „poliamidnu oblogu kao zaštitu protiv habanja“.

Uvidom u predloženi uzorak uočeno je da je obloga iste izrađena od plastičnog kućišta (ABS plastika) sa poluotvorenom zaštitom i ergonomskim rukohvatom, a ne od poliamidne obloge u cjelosti, koja bi u potpunosti štitila mjernu traku i pantljiku od habanja.

U skladu sa naprijed navedenim, ponuda ponuđača Danial`s d.o.o. Tešanj za Lot 2 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-5900/21 od 20.09.2021. godine.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav 1. tačka b) i stav 2. tačka d) Zakona o javnim nabavkama („Službeni glasnik BiH“, broj: 39/14), riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.

POLICIJSKI KOMESAR
Generalni inspektor policije

Nusret Selimović

Dostaviti:

1. Sektoru za materijalno-finansijske poslove
2. Ponuđaču
3. Odjeljenju za odnose s javnošću, radi objave na web stranici ovog organa
4. a/a